



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Ad Alcidivm Philellenvm: aliàs Ioannem Coiunium Verriensem Equitem
Herculeum Gracæ fidei propugnatorem: Ode XVIII.

urn:nbn:de:hbz:466:1-13378

Ventorumquè minæ, spumaquè gurgitis

Te moti pepulit vagam :

Donèc tergemina terreo cuspide

Auctores sceleris ; quâ tibi marmora

Sternuntur dominae, turaquè corripis

Plenis ostia linteis .

O Nautis, tibi quas dixerit Albion

Grates ; quæuè paret debita præmia ?

Diuini merito muneris Insula

Fortunata vocabitur .

Nunquam dona tulit machina Pelias

His æquanda bonis ; non similes Ligur

Explorator opes imposuit rati,

Gazam diuitis Indiæ .

Insignem rutilo flumine crederis

Exhaustisse Tagum . Iam precij minor ,

Vt gemmâ caruit principe, liquido

Non curat pede currere .

Hûc, hûc ferta citi ; inducite aplustribus ,

Et malo viridis stemmata gloriæ ,

Lati Brutigenæ : magnanimo & nouam

Rectori date lauream .

Tu claratum etiam, Carole, nauium

Fies, auspice me : notior vt mare

Sulcet nulla Tigris, nulla superbior

Centaurus variet sinus .

AD ALCIDIUM PHILELLENVM :

aliàs Ioannem Cotunium Verriensem Equitem

Herculeum Græcæ fidei propugnatorem :

O D E XVIII.

○ Alba matris filia Delphicæ ,

Actæa virgo, quatenûs, heu nefas ,

Iniurioso te Latini

Dente, Fides veneranda, carpent ?

B 3

Quin

Quin peieratis ponis ouans modum
 Pœnamquæ linguis? Scimus, vt impotens
 Doli, puellam fraudulentam
 Arte suâ Patareus fefellit,
 Et iussit vti, præsciam inanitèr
 Troiæ cadentis. Sic decet impias
 Frænare mentes, atquæ in orbem
 Sæpè lupo reuocare duro.
 Frustrâ ferentes dona timebimus
 Graios; at ipsi ritè timebimus
 Nos, ô Quirites? nos maligni
 Argolicos superamus astus.
 Effare, primam, nuda Fides, tibi
 Quis struxit aram? cuius Achæicus:
 Quis te Palatinis dicauit
 Aggeribus, nisi Græca pubes à
 Tu veritatis, Deucalion bone,
 Insurgis anhor fortis, & hostium
 Compescis, ALCIDI, querelas,
 Herculeum meritis corymbum.

AD KENELMVM DIGBAEVM.

Nauis eum vehenti in Italiam, ipsiquè ad eam Romam proficiscenti Legato incolamitatem, remquæ benè gestam precatur.

O D E XIX.

I Am terra inertem vertet ouans vicem
 Gratis reducti veris honoribus,
 Floresquæ ripis môx datura, &
 Arboribus sine fraude gemmas.
 Mitescet aurâ frigus amabili,
 Soluetur humor durus ad igneas
 Alas Fauoni, culta nuptæ
 Ambrosio vegetantis ore.
 Stridensquæ siccas machina protrahet
 Naues in æquor; garbasa Thraçijs.

De-